

فرقه میز و کارگر طبقه سی

فرقه میز فعالیتته باشلارکن همکالار اتفاقی تشکیلاتیندان جدی کمک لیکلر آلمیشدیر. فرقه رهبرلیگیله فعالیت ندن بو تشکیلات مخصوصاً تبریز شهرینده نهضتیمیزین قباغا گنتمه سینده بویوک فعالیت گؤستریش دیر. فرقه میزین کارگرلر کتله سینین تشکیلاتی موفقیتیمیزی تأمین نده ن عاملردن ان مهمو اولای بیلیمیشدیر. فرقه میز خلق تشکیلاتی اولدوغو ایچون زحمتکش طبقه سینه آرتیق درجه اهمیت ونریب اونلارین حیاتینین یاخشیشماسی اوغروندا بویوک و جدی قدملر گؤتورمگه موفق اولموشدور. مخصوصاً آقای پیشه وری ملی حکومتیمیز و ملی نهضتیمیزی اداره نده رکن ان چوخ اهمیت ونردیگی مسئله کارخانالارین ایشه دوشمه سی و اونلارین تعطیلینین قباغینی آلماق مسئله سی اولموشدور.

بو واسطه ایله یوزلرجه کارگرلرین حیاتی تھدید نده ن ایش سیزلیک ایله مردانه بیر صورتده مبارزه آپارمیشدیر. پشمینه کارخاناسینین ایشه سالینماسی، بوستان و ایران کارخانالارینین ایشلرینه یاخیندان نظارت نتمک ایچون اونلارین اداره لرینده، مستقیم صورتده کارگرلر اتحادیه سی طرفیندن مخصوصاً نماینده لر تعیینی، ایش سیزلیق مبارزه سینده ان جدی قدملردن حساب اولونمالیدیر. آقای پیشه وری فرقه نین سیاستینی دوشونره ره ک مینلردن زیاده کارگر عائله سینه چوره ک ونرمک ایچون بو کارخانالاری بیر آن نظردن اوزاق توتامیش، مینلرجه آغیر سیاسی مسئله لرله اوز- اوزه گلدیگی حالدا، وقتینین مهم قسمتینی اونلارا صرف نتمیشدیر. بو ایسه فرقه نین کارگرلر طبقه سینه اولان علاقه سینین بویوک بیر دلیلی دیر. بوندان علاوه زندگانلیق وسایلینین گوندن گونه آشای دوشمه سی و بازارین کسادلیغینا باخمیباراق فرقه کارگر مزدونون آشای دوشمه سینه امکان ونرمله میش؛

آلتی آی دوام نده ن ملی حکومت دورونده بیر نفرده اولسون بویوک کارخانالاردان کارگر اخراجی اتفاق دوشمه میشدیر. بلکه پوستاتین ایشه دوشمه سی و یننی توخوجو کارخاناسینین تاسیسی سایه سینده مینده زیاده ایشچیلر ایچون فعالیت و چوره ک قازانماق منبعی تهیه ندلمیشدیر. بونلاردان علاوه شهرین آبادلاشماسی، تازا تاسیسات، هابله یول ایشلری، نظام وظیفه مدرسه لری کیمی یننی ایشلرین باشلانماسی سایه سینده مینلرجه جوان و یاشلی کارگرلره ایش دوشوب بو واسطه ایله زحمتکش طبقه سینین حیاتی تینی تهدید نده ن ایش سیز لیگین قاباغی آلمیشدیر. نهایت کارگر ایله کارفرما آراسیندا میدانا چیخا بیلن اختلافلارین قاباغینی آلماق ایچون بو ایکی طبقه نین وظیفه و اختیاراتینی معین نده ن ایش قانونو تهیه و تصویب اولوندوقدان سونرا موقع اجراه قویولموشدور که، ایندیکی شرایط ده کارگر ایچون بویوک موفقیت حساب اولونا بیلر. اگر گوندن- گونه آرتماقدا اولان ایش سیزلیگی و کسادلیغی نظره آلساق، او وقت فرقه میزین کارگر طبقه سینده نئدیگی خدماتین بویوکلوگو تمام معناسیله نظرده مجسم اولاجاقدیر.

نهایت دنمک لازمیدیر که، آذربایجان دموکرات فرقه سی همکارلار اتقاقینا رهبرلیک نتمکله، همیشه کارگر طبقه سینین جدی رهبری اولوب؛ اونون منافعی نی حفظ نتمک یولوندا هنج بیر فداکارلیقدان چکینمه میشدیر. دنمک اولار که، همکارلار اتقاقی صدری آقای بی ریا، کنچن شهریور آیندا، بو تشکیلاتین، دموکرات فرقه سینین رهبرلیگینی قبول نتمه سینی رسماً و کتباً اعلام نتمکده، اشتباه نتمه میشدیر. فرقه آپاردیغی آغیر مبارزه ده، کارگری بیرینجی صفده گوردوگو کیمی، اونون منافعی نی حفظ نتمگی ده نوزنون ان بیرینجی وظیفه لریندن حساب نتمیش و نده چکدیر. البته کارگر طبقه سی و اونون رهبرلری ده چوخ گوزه ل بیلیرلر که، اگر فرقه نین دوزگون رهبرلیگی اولماسایدی، آذربایجان خلقینین ان مظلوم طبقه سینین تشکیل نده ن کارگرلرده آزاد اولوب، ایسته دیکلری کیمی دردرسیز، نوز طلبلرینی الده نده بیلمه یه چکلر ایدی. بو نقطه نظرین دنمک اولار که، آذربایجان کارگرلری، دموکرات

فرقه سینین رهبرلیگی سایه سینده، ایکی آزادلیغا نایل اولدولار: بیرنجی سی، عموم آذربایجان خلقی کیمی، ملی آزادلیق؛ ایکنجیسی، عموم کارگرلرین منافعینی تأمین نتمک واسطه سیله، صنفی آزادلیقدیر که، هر ایکیسی ده، کارگر صنفینین مبارزه تاریخینده، جلی خط لر ایله یازیلجاقدیر.

کتاب منبع سی: شهریورین اون ایکی سی

۱۳۲۴ - ۱۳۲۵

آذربایجان دموکرات فرقه سینین بیرنجی ایل دونومی مناسبتیله

مرکزی تبلیغات شعبه سینین نشریه سی

تبریز ۱۳۲۵

تایپ الیین: یاشار آذری

کتابخانانین اینترنت آدرسه: <http://www.javaan.net/nashr.htm>

پست آدرسه: BM IWSN, London WC1N ۳XX, UK

ایمل آدرسه: yasharazarri@yahoo.com

نشر کارگری سوسیالیستی نین مسنوله: یاشار آذری

تایپ الیین تاریخ: ۱۳۸۵